

東三省紀略

湯化龍題

東三省紀略自敘

神州東北之禍至輓近而亟追原其朔蓋濫觴於清初浸淫於咸同甲庚以還漸乃彌漫至近日則潰決氾濫而莫可禦矣觀於清初治滿政策未嘗不太息也當尼布楚訂約後東至海北至外興安嶺皆我屬地誠擇一二形勝處所建爲重鎮駐兵移民以扼俄人東下之路俄志既沮則必併力於近東而遠東之禍或不至如是之速且烈也計不出此既廢雅克薩復棄璦琿而守卜奎龍江左岸數千里視如甌脫俄人秣馬厲兵相率東下而割地之舉乃一見而再見矣甲午而後朝鮮解體環滿洲三面皆爲大敵東事之日亟自此始也且夫滿洲之禍初在邊境腹地固無恙也自喀希尼密約成立東清南滿兩大鐵路縱橫四達禍乃中於腹心矣清之經營滿洲也蓋在日俄戰役以後光宣之際改省設官新政畢舉值帝位變遷政綱解紐五年之間三易總督而東事乃愈弛矣余於戊申歲杪始至瀋陽是時游談之士競言實邊其勢張甚夫移民以實邊塞誠至計也然而瀋陽以往路權喪失假道以移民此不足恃之事也移民而兵力不克以赴之是拔之生地而死之也若夫排腹心之禍以通邊塞之氣提挈全局而建

長久之策則必以鐵路爲先著矣

按日俄機茲來斯條約第四條云日本國及俄國互

列國均沾之辦法並不相阻撓據此則中國苟於

東三省建築鐵道日俄兩國必不能極端阻撓居東既久聞見稍稍具乃欲博稽圖

籍參以己意著爲一書以明區區一隅之見辛亥夏東赴吉林斯業遂輟旅吉逾月暇

輒遊覽其山川嘗登北山觀砲臺遺址喟然嘆息念前人無遠略乃至於此舉邊境數

千里委諸榛莽而惟區區一城是務東事之失其視此矣未幾武昌義軍起中原鼎沸

余遂匆匆南歸壬子冬復來京師自是俯仰於京洛縉塵中者將歷二稔回憶北山龍

潭之遊殆如幻夢而南北滿間風雲益惡時時入余耳者非某某之要求權利則某某

之擴張勢力也春間偶啓塵篋檢得舊稿視曩時所紀多成陳迹乃益慨然於時勢變

遷之速而東事之不可爲也春日多暇爰取舊稿刪削補綴錄而存之凡爲十卷都十

餘萬言顏曰東三省紀略其於疆域之沿革海陸之形勢與夫廢興成敗之迹稍稍舉

其梗概而邊塞鐵路二者則加詳焉蓋猶嚮者之志也嗟乎登白頭之高峯溯黑龍之

巨流馳騁乎松江遼河之廣野今日之局勢果何如耶是尙有吾國之完全主權耶而

余猶僕僕於茲編也亦足悲矣若夫疎略舛謬不文之愆則譴陋如余固未敢求諒於

博雅君子者也民國三年六月合肥徐曦

慷

慨

從

横

徐世昌



願

船

所

亞

周樹樸



形勢論今
昔江山識
故吾九邊

日還往視
以掌中書

朱啟鈴



周禮司險掌九州之圖以周
知山林川澤之阻國籍詳畧書
闕無徵晉司空裴秀始以一寸
為千里有載名山都邑之所在
遂必圖學家祖之其以史家求
志之法勒成專書肩列歷世
建置沿革得失興衰之迹者
則為二顧氏之郡國利病書